



Juliane Henningsen, Inuit Ataqatigiit
/maani

Ulluunerani neqeroorutini inissat pillugit § 37 tunngavigalugu apeqqummut akisuteqaat.

24. marts 2014
Sagsnr. 2014-097639
Dok. Nr. 1526401

Asasara Juliane Henningsen

Ulluunerani neqeroorutini inissat pillugit apeqqutinnut Naalakkersuisut qujapput, tassani aperivutit nunani allani ilinniartuusut meeraat kommunit ulluunerani paaqqinnittarfiutaanni Nunatsinnut tikinnginnerminni allatsittalersinnaanissaat siunertaralugu Naalakkersuisut inatsisip allannguutissaanik siunnersuuteqalersaarnersut.

Postboks 1029
3900 Nuuk
Tlf: +299 34 50 00
Fax: +299 32 20 73
Email: liknn@nanoq.gl
www.nanoq.gl

Apeqqut:

Nunani allani ilinniartuusut kommunit ulluunerani paaqqinnittarfiutaanni allatsittalersinnaaqqullugit Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 16, 3. december 2012-meersumut allannguutissatut siunnersuusiornis-samik Naalakkersuisut pilersaaruteqarnerlutik?

Akissut: Naalakkersuisut siuliisa inatsisiliaata 2012-meersup – ilinniartut innuttaasunit allanit pitsaanerusumik inissisimalersinniarlugit - allanngortinnissaanik Naalakkersuisut takorluugaqanngillat.

Apeqqutitit tunuliaqutaralugit naalakkersuisoqarfimma pineqartoq pillugu kommunit aperivai. Akissutitigut ersippoq Qeqqata Kommuniani, Kommuneqarfik Sermersuumi aamma Qaasuitsup Kommuniani ullumikkut ajornanngereersoq meeqqap kommunimut tikinnginneranili utaqqisunut allatsinnissaa, ukiumik ataatsimik, qaammatinik arfinilinnik qaammammilluunniit ataatsimik sioqqutsilluni – kikkullu tamarmik tamatumani naligiis-sinneqartut.

Kommuni Kujallermit nalunaarutigineqarpoq tikinnginnermi utaqqisunut allatsinneq ajornartoq, inissanilli innersuussineq inatsisit malillugit pisartoq.

Inussiarnersumik inuulluaqqusillunga

Nick Nielsen